摘藻堂四庫全

書薈

要 经 部

欽定四庫全書管要五子說卷六

詳校官主事街日徐以坤



義者公子之言夫 將戕賊把柳而後以為栝楼也如將戕賊把柳而以為 欽定四庫全書會要卷二千九百六十五經部 栝楼則亦將戕賊人以為仁義與率天下之人而禍仁 てこうる 孟子說卷六 告子上 為栝楼孟子曰子能順把柳之性而以為栝楼平 1性猶杞柳也義猶栝棬也以人性爲仁義猶以 to date 1 孟子説 張栻

鱼皮四月全 1 性為仁義則是性別為一物以人為矯揉而為仁義 為失其性矣而告子乃以祀柳為栝楼為喻其言曰 勝用皆順其所素有而非外取之也若違乎仁義則 推之至於仁不可勝用自長長而推之至於義不可 萬善之宗也人之為仁義乃其性之本然自親親而 有太極則有两儀故立天之道曰陰與陽立地之道 以人性為仁義則失之甚矣蓋仁義性也而曰以人 曰柔與剛立人之道曰仁與義仁義者性之所有而 卷六

將戕賊而為之也然則人之為仁義也亦將戕賊其 質比性其為栝楼也固不能順把柳之性而為之必 其失豈不甚乎孟子謂如告子所言則是以祀柳之 是而論性則可矣 其害豈不甚乎故以為禍仁義之言也雖然曲直者 性而為之乎是將使天下以仁義為偽而迷其本真 木之性也非有使之曲直也木固有曲直之理也以

告子曰性猶為水也決諸東方則東流決諸西方則西

孟子说

流人性之無分於善不善也循水之無分於東西也孟 子曰水信無分於東西無分於上下乎人性之善也循 則然也人之可使為不善其性亦猶是也 之可使過額激而行之可使在山是宣水之性哉其勢 水之就下也人無有不善水無有不下今夫水搏而躍 子則謂人之性善惡混脩其善則為善人脩其惡則 川先生日前子之言性把柳之論也楊子之言性 水之論也蓋前子謂人之性惡以仁義爲爲而楊

欽

定四庫全書]

仌 At I shall de dela I 愛其親及其長也莫不知敬其兄以至於餓食渴飲 善水無有不下可謂深切若明矣原人之生天命之 茫昧之地其所害大矣善乎孟子之言曰人無有不 其始亦莫非善也推此則可見矣何獨人爾物之始 無分於善不善則性果何物邪淪真實之理而委諸 性純粹至善而無惡之可萌者也孩提之童莫不知 人性為仁義今復譬性為湍水謂無分於善不善夫 孟子說

為惡人故也告子不識大本故始譬性為把柳謂以

為不善也而豈性之罪哉告子以水可決而東西譬 之有不善何也蓋有是身則形得以拘之氣得以汨 生亦無有不善者惟人得二氣之精五行之秀其虚 性之可以為善可以為不善而不知水之可決而東 之全故性善之名獨歸於人而為天地之心也然人 西者有以使之也性之本然孰使之邪故水之就下 之欲得以誘之而情始亂情亂則失其性之正是以 知覺之心有以推之而萬善可備以不失其天地

搏激之際也或曰程子謂善固性也惡亦不可不謂 有以使之則為不善故曰人之可使為不善然雖為 使在山亦可也此宣水之性哉搏激之勢然也然搏 有以使之則非獨可決而東西也搏之使過顏激之 不善而其乗彝終不可殄滅亦猶就下之理不泯於 亂矣故夫無所為而然者性情之正乃所謂善也若 激之勢盡則水仍就下也可見其性之本然而不可 非有以使之也水之所以為水固有就下之理也若

孟子说

吗

告子曰生之謂性孟子曰生之謂性也猶白之謂白與 曰然白羽之白也猶白雪之白白雪之白猶白玉之白 稟有善惡言也如羊舌虎之生已知其必滅宗之類 夫其可以化而復其初者是乃性之本善者也可不 以其氣稟而知其末流之弊至此謂惡亦不可不謂 之性也然則與孟子有二言乎曰程子此論蓋為氣 性者言氣稟之性也氣稟之性可以化而復其初

歃

定四庫全書

與曰然然則犬之性猶牛之性牛之性猶人之性與 其流行之各異知其流行之各異而本之一者初未 未當不各具於其氣稟之內故原其性之本一而察 於太極是其本之一也然有太極則有二氣五行細 有萬之不同馬蓋何莫而不由於太極何莫而不具 論性之本則一而已矣而其流行發見人物之所稟 **温交感其變不齊故其發見於人物者其氣稟各異** 而有萬之不同也雖有萬之不同而其本之一者亦 ו מוגל נל אחו

3

孟子說

五

疰 迷夫大本之一而太極之體不立矣用之不行體 曾不完也而後可與論性矣故程子曰論性而不 其所以然孟子知其蔽於此也故以白之謂白為譬 夫人物之分而太極之用不行矣論氣而不及性 氣不備論氣而不論性不明蓋論性而不及氣 不立馬得謂之知性乎異端之所以賊仁害義皆自 可也而告子氣與性不辨人物之分混而無别莫適 也告子生之謂性之就以言夫各正性命之際則 卷六 則 論

是不察夫流形所變之殊而亦莫知其本之所以為 子以人物之性為無以異也以人物之性為無以異 有剛柔緩急之異稟而上智生知之最靈愚者唇室 體固無以異也然各就其身亦有參差不齊者馬故 **異乎曰人者天地之精五行之秀其所以為人者大** 也或日氣之在人在物固有殊矣而人之氣稟亦有 者矣則其所謂生之之謂性者語雖似而意亦差 스

孟子说

而又以玉之與羽羽之與雪為比告子以為然是告

中而復有所不齊馬而皆謂之性性無乎不在也然 故太極一而已矣散為人物而有萬殊就其萬殊之 亦各有所不同者馬此又其一身還有一乾坤者也 而難發由其不齊故也至於禽獸草木就其類之中 夫盡已之性盡人之性盡物之性其極與天地參此 而在人有脩道之教馬可以化其氣稟之偏而復全 人所以為人之道而異乎庶物者也

告子曰食色性也仁内也非外也義外也非内也孟子

於白馬之白也無以異於白人之白也不識長馬之馬 亦有然者也然則者民亦有外與 日何以謂仁内義外也曰彼長而我長之非有長於 日吾弟則愛之秦人之弟則不愛也是以我為悅者也 無以異於長人之長與且謂長者義乎長之者義卒 猶彼白而我白之從其白於外也故謂之外也曰異 謂之外也曰者秦人之炙無以異於者吾炙夫物則 謂之内長楚人之長亦長吾之長是以長為悅者也 孟子說 ٤

鉗 失又甚馬彼以為長之在人如白之在彼曾不知白 其則是固出於性無分於善不善之論也其能行而 之為色一定而不變而長之所宜則隨事而不同也 天理不明而人欲莫之遏矣至於仁内義外之說其 食色固出於性然莫不有則馬令告子乃舉物而遺 定匹庫全書

此非因彼而有也有是性則具是理其輕重親躁小

乎夫長雖在彼而長之者在我蓋長之之理素具於

惑馬謂爱吾弟而不爱秦人之弟是以我為院故日 夫昧於天命而以天下之公理為有我之得私而始 有義外之說孟子告之日且謂長者義子長之者義 得其當皆吾素有之義而非外取之此天所命也惟 仁内也長吾長而亦長楚人之長是以長為忧故曰 乎使思夫長之之為義則知義之非外矣而告子猶 於前者雖有萬之不同而有物必有則況應曲酬各 大遠近之宜固森然于秉彝之中而不可亂事物至 五子之

欽定四庫全書/ 義外也曾不知所以長之者非在我而何出哉故孟 待楚人固有間矣其分之殊豈人之所能為哉觀告 子復以耆炙輸之同為炙也而所以耆之則在我然 者亦鳥知仁之所以爲仁者哉彼徒以愛爲仁而不 子義外之就固為不知義矣不知義則其所謂仁內 則以其在彼之同而謂者矣之在外可乎雖然長吾 之長義也長楚人之長亦義也長則同而待吾兄與 知愛之施有差等固義之所存也徒以長為義而不

内 孟季子問公都子曰何以謂義內也曰行吾敬故謂之 酌 d) 乎莫適其指歸也 叔父曰弟為尸則誰敬彼將曰敬弟子曰惡在其敬 知所以長之者固仁之體也不知仁義而以論性宜 不能答以告孟子孟子曰敬叔父乎敬弟乎彼將 鄉人長於伯兄一 鄉人所敬在此所長在彼果在外非由內也公都 歲則誰敬曰敬兄酌 則誰先一 日 O

叔父也彼将日在位故也子亦曰在位故也庸敬在兄

€ 9

Ē

Li dula I

孟子說

然則飲食亦在外也 斯須之敬在鄉人季子聞之曰敬叔父則敬敬弟則敬 果在外非由内也公都子曰冬日則飲湯夏日則飲水

是乃義也然公都子未能本於性而論故聞季子先 吾敬故謂之內亦未爲失也蓋敬之所施各有攸當 李子不知性故於義內之就有疑馬公都子答以行

長酌而先之亦義也可敬雖在彼而敬之者在我故

酌鄉人之論則無以對之蓋庸敬於兄義也以鄉

哉敬以直内義以方外敬義立而德不孤伊川先生 為在外而不知其義之存於内內外之本一也公都 夫為尸者之當敬皆其理之素定而不可易者也然 則其為在內也明矣而季子猶惑馬蓋以叔父與弟 子蓋有發於孟子之言故以冬日般湯夏日飲水警 曰敬立而內直義形而外方義形於外非在外也蓋 之蓋冬之飲必湯夏之飲必水是乃義也而豈外乎

孟子说

孟子以弟為尸為比夫兄之當敬鄉人之酌當先與

或日有性善有性不善是故以堯爲君而有象以瞽瞍 為父而有舜以紂為兄之子且以為君而有微子啓王 隱之心人皆有之羞惡之心人皆有之恭敬之心人皆 子比干今回性善然則彼皆非與孟子曰乃若其情則 公都子曰告子曰性無善無不善也或曰性可以爲善 可以為不善是故文武與則民好善幽屬與則民好暴 主於敬而義自此形馬敬與義體用一源而已矣 以為善矣乃所謂善也若夫為不善非才之罪也 惻

欽

定四庫全書

道乎故有物必有則民之秉夷也故好是懿德 也恭敬之心禮也是非之心智也仁義禮智非由外 人相倍旋而無算者不能盡其才者也詩曰天生蒸民 為問告子無善無不善之說此以善惡不出於性 道學不明性命之說莫知所宗故公都子舉三說以 物有則民之秉夷好是懿徳孔子曰為此詩者其知 也我固有之也弗思耳矣故曰求則得之舍則失之

孟子究

有之是非之心人皆有之惻隱之心仁也羞惡之心義

新定四庫全書/ 或謂可以為善可以為不善此以習成為性也或謂 徳其性則然也幽厲與而民好暴習之所染有以變 者是宣性也哉文武與而民好善人皆東彝而好懿 為不善乎不知其可以為善者固性也而其為不善 有性善有性不善乎不知其善者乃為不失其性而 移其番心淪胥以亡而至此耳性宣有是哉若以為 不善之說孟子既辨之於前矣若謂可以為善可以 有性善有性不善此以氣稟為性者也性無分於善

其聲音顏色而知其必為不善如叔向之母知叔虎 聖人也若其偏駁者其為不善必先就其所偏 其純粹之最者亦有偏駁者亦有偏駁之甚者其最 其不善者因氣稟而汨於有生之後也盖有生而 此固可得而及也若偏駁之甚則有於其生也而 粹者固存其本然之常性不待復而誠此所謂生 公滅羊舌氏之類是也然使其長也而能力自 則亦可以及惟其偏駁之甚故不復知矯揉). 1 m 孟子說 而 發 鍾 知

Ċ ?

į

土

謂循其性之本然而發見者也有以亂之而非順之 克若天自性之有動者謂之情順其情則何其非善 若其情則可以為善矣乃所謂善也若訓順書曰弗 為善者才也人皆可以為堯舜者以其才則然也何 謂是則為不善矣故曰非才之罪也夫善者性也能 各異而其不善者終非性之本然者也故孟子謂乃 為君而有微子比干抑何怪乎蓋所稟之唇明在人 竟為君而有象替腹為父而有舜紂為兄之子且以 鱼灾四库全書

卷六

者也衆人之所固有亦宣與聖人異乎哉特弗思耳 也人之相去或倍徒或無算者由能盡與不能盡之 然所謂思所謂求者必有其道此學之不可以不講 充盡此四者則為聖人聖人非能有加也能盡其才 乎性者也性之中有是四者而已由外鐮則非天矣 又曰求則得之舍則失之斯言可謂涵蓄而有味矣 惻隱羞惡恭敬是非之所以然是乃仁義禮智之具 以知其然以惻隱羞惡恭敬是非之心人皆有之也

孟子院

欽定四庫全書 / 有視聽言動之則喜怒哀樂則有喜怒哀樂之則何 詩意煥然矣有物必有則者其非物也視聽言動則 莫不然其則蓋天所命也以其至當而不可過敌謂 謂作此詩者為知道而孟子獨於本文增益四字而 異也天生蒸民有物有則民之東舜好是懿徳夫子! 私也舞云者常也言本然之常性人所均有故好是 外無性斯道也天下之所共有所共由非有我之得 之則有太極則有物故性外無物有物必有則敌物

孟子曰富歲子弟多賴與善以歲子弟多暴非天之降 熟矣雖有不同則地有肥饒雨露之養人事之不齊也 之其地同樹之時又同涛然而生至於日至之時皆 前既以是言發之故於此言之客也 懿徳以其乘舜故也而其不知好者是有以亂其常 爾殊也其所以陷溺其心者然也今夫好麥播種而 故也雖然惻隱羞惡恭敬是非其發見者也以此為 仁義禮智之體則未可然固仁義禮智之端也孟子

<u>ج</u>

è

La data 1

孟子說

十四

一於味天下期於易牙是天下之口 於聲天下期於師曠是天下之耳相似也惟目亦然 之與我不同類也則天下何者皆從易牙之於味 口之所看者也如使口之於味也其性與人殊若大 相似天下之足同也口之於味有同者也易牙先得 類者故龍子曰不知足而為優我知其不為黃也 凡同類者舉相似也何獨至於人而疑之聖人與我 相似也惟耳亦然

迃

厍

I stale Wh

至於子都天下莫不知其效也不知子都之效者無目

馬目之於色也有同美馬至於心獨無所同然乎心之 者也故曰口之於味也有同者馬耳之於聲也有同聽 耳故理義之悅我心猶芻豢之悅我口 所同然者何也謂理也義也聖人先得我心之所同然 不前也凶歲之多暴者以機寒迫之而不善之念起 凶歲之子弟為喻富歲之多賴者以衣食足而他意 也而其莫之同者以衆人失其養故也故首以富歲 此章大意謂義理素具於人心衆人與聖人本同然

· 尺 日 · 日 · 日 · 日 · 日

孟子說

齊故也此亦猶人本同類由不得其養則不相 應有殊而其有殊者可不思其故哉口之於味耳之 聖人可謂至矣而亦與我同類者耳既曰同類 淪胥而莫之覺也以此言之人心本無不善因陷 也此豈天降才之殊哉陷溺其心故耳陷溺言因循 同樹之時同則其生也其熟也宜無不齊者矣而有 故而不齊也復引對麥以為喻均是麥也種之地 同者則地有肥曉之異與夫雨露之養人事之不 則

即吾心之所同然者也聖人先得之耳善夫孟子之 以天下之味皆從易牙則知天下之口無異也猶聖 而已易牙之所味即我口之所者者也彼先得之耳 我口之所者者也易牙非能有加也能盡夫味之理 馬則不得與吾同其理以其不同類故也易牙先得 人之所以為聖人者以盡人道故也聖人之所盡者 之美有同者馬蓋均是人也則其理不得不同若大 孟子院

於聲目之於色此亦出於性也故口之耆耳之聽目

盆定匹庫全書 義也曰理而又曰義在心為理處物為義謂體用也 發明也日至於心獨無所同然乎夫既日同然口耳 理義者天下之公也不為堯桀而存亡聖人之先得 躬而去其蔽則斯見其大同者矣其所同然者理也 而上者也故其所同者及隔於有形而莫之能通反 日麗乎氣故有形者皆得其同而心則宰之者也形 目皆有同也何獨心之不然此所當深思者也口耳

者即衆人之所有者也而何有所增益哉理義之所

孟子曰牛山之木皆美矣以其郊於大國也斧斤伐之 可以為美乎是其日夜之所息雨露之所潤非無萌藥 者不然者則非其正故也 義而不知理義之為忧者獨何數有以亂之而失其 其可而有不期然而然者也雖然人蓋有甘於非理 正故也亦猶口之於味固同悅乎芻豢而人亦有所 理義則油然而悅矣以芻豢之悅我口為喻蓋言適 孟子說 上

以悦我心者以理義者固心之所以為心者也得乎

豈無仁義之心哉其所以放其良心者亦猶斧斤之於 馬者是豈人之情也哉故苟得其養無物不長茍失其 氣其好惡與人相近也者幾希則其旦畫之所為有格 之生馬牛羊又從而牧之是以若彼濯濯也人見其濯 亡之矣枯之及覆則其夜氣不足以存夜氣不足以存 本也旦旦而伐之可以為美乎其日夜之所息平旦之 則具達禽獸不遠矣人見其禽獸也而以為未當有材 也以為未曾有材馬此豈山之性也哉雖存乎人者

灾匹庫全書

養無物不消孔子曰操則存舎則亡出入無時莫知其 鄉惟心之謂與

此章言人皆有良心能存而養之則生生之體自爾

美矣然木之生理固在日夜之所息雨露之所潤而 喻之牛山之水其美者本然也斧斤伐之則不得為 不息若放而不知存則日以斲喪矣故以牛山之木

ķ 定四車全書一 其萌蘖不容不生於其生也又為牛羊牧之於是有 不得其生而常濯濯者矣其生者山之性也而濯濯 孟子說

ナヘ

息馬於其與也未與事接未前他處則平旦之好惡 常人終日汨汨為氣所使至於夜則氣怠而思慮始 者豈山之性哉蓋生之者寡而所以害之者則不已 時因其休息而善端萌馬於其方萌而物復亂之則 有二義訓休息亦訓生息息所以生也如夜氣是已 雖終日汨汨於物欲然亦有休息之時也程子曰息 故也亦猶人放其良心然秉彝亦不容遂於也故有 所傷益多而其息也益微矣曰日夜之所息者蓋人

灾 畫之所為則無非害之者矣曰格亡者謂為血氣所 至日車全書 得其養無物不長荷失其養無物不消天以生為道 放心存而不舍養而不害人道之所為立也故曰茍 所謂情者始亦無有不善也是故君子察乎此收其 則人理幾無而違禽獸不遠矣是豈人之情也哉蓋 夜氣之所息能有幾又可得而存乎夜氣不足以存 拘役而亡其公理也枯之反覆遭變而無有窮則其 與人理亦庶幾其相近此夜氣所積也自旦而往其 孟子說

猶水之生馬日夜之所息雨露之所潤斧斤牛羊莫 者也君子之養之也勿忘也勿助長也而天理不口 馬蓋有所如益於其間則亦害於天理矣故其長也 之害而其理自遂也操則存舍則亡出入無時莫知 鄉此又深明夫存養之功不可斯須忘也心非有

蓋操之者乃心之所存也以其在此則謂之入可也

以其不存馬則謂之出可也而孰知其鄉乎心雖無

存七出入因操各而言也操則在此舍則不存馬矣

寒之者至矣吾如有萌馬何哉令夫変之爲數小數 孟子曰無或乎王之不智也雖有天下易生之物也 日暴之十日寒之未有能生者也吾見亦罕矣吾退而 不專心致志則不得也实秋通國之善变者也使变秋 舍之際深體之 心以為有鴻鵠將至思援方繳而射之雖與之俱 人实其一人專心致志惟实秋之為聽一人雖聽 孟子說 主

形可見然既曰心則其體蓋昭昭矣學者要當於操

學弗若之矣為是其智弗若與曰非然也 **灾匹庫全書**

日寒之則養之也微而害之者深矣則其生理爲得 物固有生之理然不養而害則雖易生之物亦不能 而遂哉孟子告齊王未曾不引之以當道王豈無東 以生是則物未有不待養而能生者也一日暴之十

彝之心乎則其端倪亦有時而明動矣而孟子見之

也時寡他人朝夕在旁利欲以汨之謟諛以騙之順

其意而逢其惡所以害之者何可勝既吾如有萌芽

處而遠佞人所以養徳也宣獨人君為然一暴十寒 **欲治其身而不專心致志其可哉是以古之明君** 也是二人者豈知之相遠哉專與不專故耳而沉於 之病為士者豈可一日而不念乎然其要則在於專 小技專心致忘者則得之苟方奕而他思則莫之得 足怪矣故又以变秋為喻蓋心不容有二事雖变為 何哉言雖有如萌芽之發亦即推折而無以自達無 暴十寒之為害也則博求賢才真諸左右朝夕與

P ALI D MAL de data |

孟子說

Ī

心致志而巴專心致志學之大方居敬之道也

孟子曰魚我所殺也熊掌亦我所欲也二者不可得兼

故患有所不辟也如使人之所欲莫甚於生則凡可以 者不可得兼舍生而取義者也生亦我所欲所欲有甚 舎魚而取能掌者也生亦我所欲也義亦我所欲也二 於生者故不為苟得也死亦我所惡所惡有甚於死者

得生者何不用也使人之所惡莫甚於死者則凡可以 辟患者何不為也由是則生而有不用也由是則可以

章食一豆羹得之則生弗得則死障爾而與之行道之 受之萬鐘於我何加馬為官室之美妻妾之奉所識躬 辟患而有不為也是故所欲有甚於生者所惡有甚於 今為所識窮之者得我而為之是亦不可以已乎此之 為身死而不受今為妻妾之奉為之鄉為身死而不受 之者得我與鄉為身死而不受今為宫室之美為之鄉 死者非獨賢者有是心也人皆有之賢者能勿喪耳一 人弗受蹴爾而與之乞人不屑也萬鍾則不辨禮義而

孟子說

謂失其本心 二者不可得兼言權其輕重而取舍之也夫樂生而

取義由機之食渴之飲亦為其所當然者而已故 惡死人之常情賢者亦豈與人異哉而有至於舍 取義者非真知義之重於生其能然乎其舍生 而 曰

欲有甚於生者所惡有甚於死者所欲謂禮義所

惡謂非禮義也欲惡若是乃爲得夫性之正矣若但

知樂生惡死而已則凡可以求生可以辟患者無所

其羞惡之端在者也其所以然者蓋人之因窮其發 **羹得與不得則有死生之分然障爾而與之則行道** 在馬故也是心宣獨賢者有之而衆人無之乎賢者 能不喪其所有而已何以知衆人之本有乎箪食豆 不為天理滅而流入於禽獸之歸何擇馬故由此可 未肆故其端尚在至於為萬鍾所動則有不復顧者 之人有所不受疏爾而與之則雖乙人有所不屑此 以生由此可以辟患而賢者莫之顧者以其欲惡有

灾己日事全書

孟子說

手

美妻妾之奉所識窮之者得我其他有所不顧也此 矣曰萬鐘於我何加馬人能深味斯言而得其古則 亦可見外物之無足慕矣萬鍾於我何加而人之所 三者一舉其端其他可類推耳向也單食豆羹不得 以不辨禮義而受之者則亦有為而然耳為官室之 均是人也何向者一死之不如而今者冒昧若此與 辨禮義之當否而受之萬鍾之不受未至於死也 死而與之非其道則有所不受令也萬鍾之多乃

學問之道無他求其放心而已矣 孟子曰仁人心也義人路也舍其路而弗由放其心而 不知求良哉人有雞大放則知求之有放心而不知求 耳故窮達死生舉不足以二其心而人道立矣 蓋欲有以蔽之而羞惡之端陷弱而莫之萌也故曰 之際蓋不能以自擇也而況於死生乎是故君子遏 此之謂失其本心嗟乎舉世憧憧以欲為事於得失 欲而存天理其於斯世何所求哉惟禮義之是安 孟子說 孟

者其幾間不容息故君子造次克念戰兢自持非 矣然心豈遠人哉知其放而求之則在是矣所謂放 之所共由也仁義立而人道備矣舍其路而弗由放 學問之道以求放心為主人之爱其雜大於其放 然舍其路而弗由者以放其心而不知求故也是 心而不知求則人亦何以異於庶物乎是可哀也 以謂仁人心者天理之存乎人也義人路者天下 知求之至於心獨不知求可謂昧夫輕重之分

鉑

定匹庫全書]

孟 害事也如有能信之者則不遠秦楚之路爲指之不若 存之也存之久則天理沒明是心之體將周流而無 子曰今有無名之指屈而不信 而已學者可不深思而點體平 其放而求之則道心之微豈外是哉故貴於精一 惟 勿視非禮勿聽非禮勿言非禮勿動所以收其放而 所蔽矣以堯舜禹相授受之際獨曰人心惟危道 微心宣有二乎哉放之則人心之危無有極也 第無四名 措指 也非疾痛

灾

定四車全書

孟子說

至五

人也指不若人則知惡之心不若人則不知惡此之謂 者孟子於其易見者舉以示之使之以類而思之 知類 梓哉所以示人也至矣夫人與聖人同類則其心亦 知夫切於吾身蓋有甚於此而不之察也曰有放心 有雞犬放則知求之無名之指屈而不信則求信 拱把之桐梓欲其生則心養之此皆事理之易見 知求曰心不若人則不知惡曰豈爱身不若 th

者矣此古之君子所以學如 所以養之者至於身而不知所以養之者豈受身不 子日拱把之桐 類 比之指不若人何啻於相千萬邪而反不知惡故謂 同 而 知惡之則必求所以免於惡蓋有須史不敢追寧 然耳有不同馬者有以陷溺之故也以 推之則是夕之間其悚然而作者豈獨此哉雖 知 類也人惟不知類故冥行而不自覺使其 梓拱把合两手 之 不 及 拱 循恐失之也 人药欲生之皆 類而思 則

TO 10

Li die I

孟子說

千六

若桐梓哉弗思甚也 愛其身必思所以養之然所以養之者則有道矣古 失其養也弗思則待其身曾一草一木之不若滔滔 進耳曰弗思甚也蓋思之則知身之為貴而不可以 其身也於桐祥而知所以養則自拱把至於合抱可 間其不有養之之法馬所以尊德性而道問學以成 之人理義以養其心以至於動作起居聲音容色之 馴致也於身而知所以養則為賢為聖亦循循可

THE IN THE I

皆是矣孟子此篇大抵多言存養之功學者尤宜深 h

善者豈有他哉於已取之而已矣體有貴賤有小大 寸之膚不愛馬則無尺寸之膚不養也所以考其善不 孟子日人之於身也兼所愛兼所愛則兼所養也無 小害大無以賤害貴養其小者為小人養其大者為

指而失具肩背而不知也則為狼疾人也飲食之

人今有場師舍其梧槓養其槓棘則為賤場師馬差

也則口腹豈適為尺寸之膚哉 人則人賤之矣為其養小以失大也飲食之人無有失 養之乎故日所以考其善不善者宣有他哉於己取 莫知其所受於天蓋有所甚重於此者可不知所以 而無尺寸之膚不及也然人知有口腹之養而已而 何如耳所取有二端馬體有貴賤有小大是也以小 之而已矣言欲考察善不善之分則在吾身所取 人有是身則知其皆在所愛愛之則知其皆在所養 **5匹厚全書** 卷六

喪人道幾乎息而不自知此豈不類於場師之舍梧 害大不以賤害貴則是養其大者所謂善也何以為 随情流為一物斯為可賤矣人惟不知天理之存故 大且貴人心是已小且賤則血氣是已血氣亦稟於 害大以賤害貴則是養其小者所謂不善也不以小 以至於公卿大夫士之競乎禄仕是皆然也良心日 天非可殿也而心則為宰之者也不得其宰則倍天 懂然獨以養其口腹為事自農工商買之競子 孟子說 デ

養其尺寸之膚哉固亦理義之所存也故失其大者 者耳如使飲食之人而不失其大者則口腹豈但為 **檟而從事於樲棘治疾者養一** 而皆至理人欲流則口腹之須何有窮極此人之所 則役於血氣而為人欲先立乎其大者則本諸天命 雖然人饑渴而飲食是亦理也初何罪馬然飲食之 以為禽獸不遠者也天理明則一段一食之間亦並 人人所為殿之者為其但知有口腹之養而失其大 指而失其肩背者數

歃

定四庫全書

弗能奪也此為大人而已矣 從其人體或從其小體何也曰耳目之官不思而蔽於 公都子問曰鈞是人也或為大人或為小人何也孟子 從其大體為大人從其小體為小人曰鈞是人也或 不得也此天之所與我者先立乎其大者則其小者 物交物則引之而已矣心之官則思思則得之不思 可不謹其源哉 孟子說 李九

不有則馬此人之所以成身而通乎天地者也然則

者亦豈外取之乎乃天之所以與我是天理之存於 從其大體心之官也從其小體耳目之官也官云者 其大者則其小者不能奪矣言心為之主則耳目不 主守之謂蓋耳目為之主則不思而蔽於物矣耳 能思矣思而得之而物不能奪也所謂思而得之 也以物而交於物則為其引取固宜若心為之主 心者也人皆有之不思故不得思則得矣先立乎 以移有以宰之故也故君子之動以理小人之

反匹庫全書 |

孟子曰有天爵者有人爵者仁義忠信樂善不倦此天 有所以然其所以然者天之理也思其所以然而 而欲流其何有極也然所謂思者非泛而無統也泛 以物動以理者心得其率而物隨之動以物者心放 實輝光之地者也蓋對小人而言謂得其大者也 無 理之所無事則雖日與事物接而心體無乎不在 斯則為大人矣此所謂大人者非必爲已至於充 統則思之亂也不得謂心之官矣事事物物皆 孟子說 三主

爵也公鄉大夫此人爵也古之人脩其天爵而人爵從 則感之甚者也終亦必亡而已矣 之今之人脩其天爵以要人爵既得人爵而棄其天爵 善不倦則於仁義忠信斯源源而進矣古之人脩其 天爵謂天之所貴也仁義又言忠信者在己為忠與 天爵而已非有所為而為之耳人爵從之者言其理 而又曰樂善不倦樂善不倦好懿德之常性也惟樂 人為信忠信者只是誠實此二者也既曰仁義忠信

盆定四库全書]

甚者又日終亦必亡而已矣言既萌要利之心則其 事耳及逐其發則并與其所假者而棄之可謂感之 意上下皆循乎天理是以人才衆多而天下治逮德 爵之心則有害於天爵其脩之也亦暴其名而為其 則然也令之人脩其天爵以要人爵夫有一毫要人 之衰在下者假名而要利在上者徇名而忘實而人 所為終亦必亡勢則然也嗟乎古之士脩身於下無 毫求於其君之心而人君求賢於上每懷不及之

实 E 日華 全書一

孟子說

孟子曰欲貴者人之同心也人人有貴於已者弗思耳 求之於文藝之間自孩提之童則使之懷利心而習 才始壞矣降及後世則不復以仁義忠信取士而乃 而治功何怪其難成乎可勝歎哉 為文辭并與其假者而不務矣則人才何怪其難得

梁之味也令聞廣譽施於身所以不願人之文繡也

人之所貴者非良貴也趙孟之所貴趙孟能賤之詩云

既醉以酒既飽以德言飽乎仁義也所以不願人之膏

善也趙孟之所貴趙孟能賤之其所貴者資於人則 貴云者言資於人而貴者也良貴云者言己素有之 其貴子善子孟子之言曰人人有貴於己者弗思耳 於外而求於人故曰人之所貴者非良貴也人之所 於己者則見外誘之不足慕矣惟夫不知也是以禁 惟夫弗思故雖素有之而莫之能有也若真知有責 己有至贵者馬德性之謂也一人之性萬善備馬不 人皆有欲貴之心言人莫不欲貴其身也而不知在

· 至日事私

孟子説

孟子日仁之勝不仁也循水勝火令之為仁者循以 義而不願膏梁之飫間譽施於身而不願文繡之加 為善有令名其理之固然者也 有欲之之心也飽乎仁義則令聞廣譽自加馬猶言 為其在我者而不顏乎外也雖然令聞廣譽君子非 能貴之者亦能賤之矣良貴在我得於天者也人 預馬得於天者公理而資於人者私欲也故飽乎仁

杯水教一車新之火也不熄則謂之水不勝火此又與

於不仁之甚者也亦終公亡而已矣 若一暴而十寒修得而復失則暫存之天理豈能勝 立也故以水勝火喻之然用力於仁貴於久而勿舍 得而遂以為仁不可以勝不仁而不如勉馬是則 無窮之人欲哉是猶以杯水救車新之火也救之不 舍之間而天理人欲分馬天理存則人欲消固不兩 此為有志於仁而未力者言也仁與不仁特係乎操 同

Ċ

And to state to large I

孟子說

三十三

於不仁之甚者其淪胥以亡也必矣學者觀於此其

亦在乎熟之而已矣 孟子曰五穀者種之美者也茍為不熟不如美稗夫仁 若存若亡無篤厚悠久之功則終亦必亡而已矣熟 言雖種之美尚為不熟亦無益也仁者人之所以為 此章勉學者為仁貴於有成也五穀不熟不如美稗 其至也人欲消盡純是天理以水勝火不其然乎 可斯須而不存是心乎天理沒明則人欲沒消矣及 人也然為之而不至則未可謂成人況於乍明乍暗

每人必以規矩學者亦必以規矩 孟子曰罪之教人射必志於數學者亦必志於数大匠 要之未至於顏子之地皆未可語夫熟也 濡未易長畝苗而秀秀而實蓋有不期然而然者為 耕易稱而已而不志於獲也日夜之所息雨露之所 而不息則存乎其人馬其淺深次第亦自知而已矣 仁之方論語一 一書所以示後世者至矣致知力行久 孟子兒

Ē

之奈何其亦猶善種者乎勿舍也亦勿助之長也深

盆 **反匹庫全書** 身而已求之吾身其則蓋不遠心之所同然者人所 固有也學者亦存此而已存乎此則聖賢之門墻可 矣學者學之為聖賢也聖賢曷為而可至哉求之吾 使志於穀鵯在彼而穀在此心存乎此雖不中不遠 殼者弩張向的處也射者期於中鵠也然界之教人 巧固不外乎規矩也學者之於道其為有漸其進有 矩而已至於巧則非大匠之所能酶存乎其人馬然 而入也規矩所以為方員也大匠海人使之用規

任人有問屋廬子曰禮與食熟重曰禮重色與禮熟重 端教人者與受教於人者皆不可以不知 其人所得何如形而上者固不外乎酒埽應對之間 序自酒埽應對至於禮儀之三百威儀之三千猶木 也舍是以求道是猶舍規矩以求巧也此章所舉 之有規矩也亦循乎此而已至於形而上之事則在 告子下

日禮重日以禮食則餓而死不以禮食則得食必以禮

孟子兑

1.17

禮之輕者而比之奚翅色重往應之曰於兄之臂而奪 能對明日之都以告孟子孟子曰於答是也於 之食則得食此矣不終則不得食則將終之乎瑜東京 歃 重者與禮之輕者而比之奚規食重取色之重者 而接其處子則得妻不接則不得妻則將樓接奉 〉親迎則不得妻不親迎則得妻必親迎乎屋廬子不 定四庫全書] 不楊其本而齊其末方寸之木可使高於岑棲本 金重於羽者豈謂一 鉤金與一 與羽之謂哉取 於音鳥

灾足习事私書一 其本一定有不可易者若各本而齊未則失其理矣 食色雖出於性而其流則以害性苟無禮以止之則 累方寸之木而高於岑樓遂謂木高於山積一與之 疑矣孟子謂不揣其本而齊其末者蓋凡天下之理 將何所極哉禮之重於食色固不待較而明矣惟夫 羽而重於鉤金遂謂羽重於金而山之為萬金之為 汨於人欲而昧夫天性於是始有禮與食色熟重之 孟子說 卖

重其理終不可易也今任人學食色之重者以散禮 則可見禮之為重而食色之為輕其理之所在為不 則不得妻則踰牆而得妻亦將為之乎以此而權之 則不得食則於兄之臂而得食亦將為之予謂親迎 之輕者何以異乎此故孟子因其說而正之謂以禮 子之說將使天下之人棄禮而不顧是始未之思也 子之就與孔子食可去信不可去之意異又謂如孟 可易矣所謂揣其本而齊其末者也而或者乃謂孟

去於斯三者何先又曰於斯二者何先故聖人明信 盖子竟善問欲以探其禮之至極則曰必不得已而 食色為重若但告之以寧不食而死必以禮食也寧 不可去之意蓋無殊也或者未之思邪 之不可易者則其說將自窮與孔子謂食可去而 道也故孟子獨循其本而告之使之及其本而知 不娶妻公親迎也則理不盡而意有室非啓告之之 為本以示之若任人蓋徇子人欲者其問也意固以 信 理

尺配可量在

.孟子說

主

曹交問曰人皆可以為堯舜有諸孟子曰然交聞文王 那為耳徐行後長者謂之弟疾行先長者謂之不弟夫 徐行者豈人所不能哉所不為也堯舜之道孝弟而已 烏獲之任是亦為烏獲而已矣夫人豈以不勝為患哉 雛則為無力人矣今日舉百釣則為有力人矣然則舉 日奚有於是亦為之而已矣有人於此力不能勝一匹 十尺湯九尺今交九尺四寸以長食栗而已如何則可

矣于服竟之服誦竟之言行竟之行是竟而已矣子服

難知哉人病不求耳子歸而求之有餘師 都君可以假館願留而受業於門曰夫道若大路然豈! 禁之服誦禁之言行禁之行是禁而已矣曰交得見於 曹交問人皆可以為堯舜蓋亦習聞孟子有此說而 與日奚有於是亦為之而已矣蓋人皆有是性故皆 疑之也孟子引而進之及覆明備所謂誨人不倦者 可以為竟舜而其所以異者則其不為之故耳力不 一匹雞則為無力人能舉百釣則為有力人能 孟子說 手入

舉為獲之任則是亦為獲此言人能為堯舜之事則 人皆可以為堯舜非其力不勝也特不為耳故以疾 亦是堯舜而已又日人豈以弗勝為患哉弗為耳言 行不敢先之心是乃孝弟之端也竟舜之道孝弟而 者初何遠哉特舍之而不為循不肯徐行者耳雅徐 能哉以其不為而已以是而思則凡天理之存乎人 行先長者則為不循乎其理矣夫徐行者豈人所不 行徐行明之蓋徐行後長者是乃天理之當然若疾

敏定四庫全書!

義仁莫先於愛親義莫先於從兄此孝弟之所由立! 誠為求道者故使之歸而求之道者天下之公入所 惡皆然然則可不勉於為善乎交於此有受業之意 夫服其服誦其言行其行則將與其人無以異矣善 可一言蔽之乎人熟無是心哉 預體而充之何如耳 已矣孝弟足以盡堯舜之道蓋人性之德莫大於仁 而欲假館於都君則交也猶汨沒於勢利之中而非 也盡得孝弟則仁義亦無不盡是則堯舜之道宣不

and do dula !

孟子說

公孫丑問曰萬子曰小弁小人之詩也孟子曰何以言 金 共由初不遠於人謂之為難不可也故曰豈難知哉 其為師也抑有餘矣蓋道無乎不在貴於求而自得 有道矣故曰歸而求之有餘師謂誠能歸而求之則 而謂之為易亦不可也故曰人病不求耳然求之則 之而已辭意及復抑揚學者所宜深味也

射之則己該笑而道之無他疏之也其兄關弓而射之

之日怨日固哉高叟之為詩也有人於此越人關另而

五十而慕 怨是愈疏也親之過小而怨是不可機也機激也 風親之過小者也小弁親之過大者也親之過大而 則已垂涕泣而道之無他戚之也小弁之怨親親也親 也不以此心事其親者不得為孝子小弁之作本於 傳曰仁人不過乎物孝子不過乎物物者實然之理 愈疏不孝也不可磯亦不孝也孔子曰舜其至孝矣 仁也固矣夫萬叟之為詩也曰凱風何以不怨曰凱

孟子兑

P

飲定四庫全書 子之情切故其辭哀曰何辜于天我罪伊何此與大 也其怨慕乃所以為親親親仁之道也故引關弓 舜號泣于是天同意故日小舟之怨親親也親親仁 以母氏不安於室而已七子引罪自責以為使母之 作是詩述太子之意云耳家國之念深故其憂苦父 幽王惑衰姒而點申后於是廢太子宜白太子之傳 不安則己之故其日母氏聖善我無令人又曰有子 之疎戚為喻以見其為親親者馬若夫凱風之作則

舜之孝以為法馬舜以此事親者也終身安乎天理 孝斷之蓋皆為過乎物非所以事乎親者也於是舉 皆為失親親之義而賊夫仁矣故曰親之過大而不 當小弁之事而怨慕不形則其漠然而不知者也當 盖與小弁異也其事異故其情異其情異故其辭異 怨是愈疎也親之過小而怨是不可磯也而皆以不 凱風之事而遽形於怨則是激於情而莫遏也此則 七人母氏勞苦又曰有子七人莫慰母心辭氣不迫

孟子光

釭 親之慕而已曰五十而慕以見其至誠不息終身於 而無一毫之間人樂之好色富贵皆不足以解憂惟 定四庫全書/

然怨一也由小弁之所存則為天理由高子之所見 人之詩不即其事而體其親親之心亦可謂固矣雖 此萬世之準的也高子徒見小弁之怨遂以為小

則為人欲不可以不察也詩三百篇夫子所取以其

本於情性之正而已所謂思無邪也學者讀詩平

易氣誦詠及復則將有所與起馬不然幾何其不為

宋輕將之楚孟子遇於石立曰先生將何之曰吾聞秦 則大矣先生之號則不可先生以利說秦楚之王秦楚 聞其指統之將何如曰我將言其不利也曰先生之志 人構兵我將見焚王統而罷之楚王不悅我將見秦王 王悅於利以罷三軍之師是三軍之士樂罷而悦於 而罷之二王我將有所遇馬曰軻也請無問其詳 高叟之固也

利也為人臣者懷利以事其君為人子者懷利以事其

孟子說

聖

養懷利以相接然而不亡者未之有也先生以仁義說 秦楚之王秦楚之王忧於仁義而罷三軍之師是三軍 父為人弟者懷利以事其兄是君臣父子兄弟終去仁 者未之有也何公日利 為人子者懷仁義以事其父為人弟者懷仁義以事其 之士樂罷而忧於仁義也為人臣者懷仁義以事其君 欽定四庫全書 | 兄是君臣父子兄弟去利懷仁義以相接也然而不王 宋輕钦說秦楚之君使之罷兵而孟子以爲志則大

感與其所應皆不同是以古之謀國者以理義不以 矣而號則不可其故何哉蓋事一也而情有異則所 然由来輕之就而說之以利使其能從亦利心耳能 兵雖息一時之争而徇利實傷萬世之彝自衆人論 可不謹於其源也夫說二君而使之罷兵非不善也 利害此天理人欲之所以分而治忽之所由係蓋不 之不行不恐失正理而啓禍源也故使二君悅於利 之惟欲其統之行而不覩其害於後在君子則寧統

R AL D MAL OL MAIN

孟子說

里

自便者無不為也人欲肆行君臣父子兄弟之大倫 說以仁義使二君幸而聽則是其心復於正道三軍 亦且不暇如矣則豈非危亡之道乎由孟子之說而 間亦莫不動馬上下憧憧徒知利之為利則凡私己 而聽從則三軍之士樂罷而悅於利以至於觀聽之 矣三代之所以王者用此道也然則其說則一而所 父子兄弟之際無非以是心相與人心正而治道興 之士樂罷而悅於仁義則皆知仁義為重將於君臣

陸儲子為相以幣交受之而不報他日由鄒之任見季 孟子居鄒季任為住處守以幣交受之而不報處於平 知曾西之所以平管晏而尊子路也則庶乎知入徳 乎此則知五伯之在春秋為功之首而罪之魁也又 以說者具毫釐之間霄壤之分可不謹哉學者有見

夫子之任見季子之齊不見儲子為其為相與曰非也

孟子說

雪面

RALD AND REALED

子由平陸之齊不見儲子屋廬子喜曰連得間矣問曰

成事也屋廬子悅或問之屋廬子日季子不得之鄒儲 子得之平陸 書口享多儀儀不及物曰不享惟不役志于專為其不 受其幣則當報之然孟子之任則見季子之齊則不 孟子之居鄒季任與儲于皆以幣交馬在於近境與 為相與是屋廬子以世俗之見度賢者之心也孟子 見儲子故屋廬子疑之以為有間而可問也曰為其 居其國中致幣以交禮之常也故不得而不受其幣 **发世屋台雪**

儀也物所以達其意耳若徒具其物而儀不及馬則 或見或不見皆循乎理之所當然耳然就世俗之見 役志于事故也孟子釋之曰為其不成身也屋廬子 中則固可得而親造也而亦遣幣馬是儀不及物也 得越境遣幣以交儀及物矣若儲子相齊鄒在其境 不得為事蓋事以儀為貴而不惟物之徇古之人不 於此始得孟子之意蓋季任為任處守守其國而不 盂子锐 野友

以洛誥之語告之洛誥之意謂所貴乎享者為其多

淳于髡曰先名實者為人也後名實者自為也夫子 欽定四庫全書 論之既受其幣及之齊而不見之則無使彼不嫌於 如其他哉使儲子疑夫不見之意反己而深思庶乎 心乎在君子則伸公義而絕私情行吾典章而已建

者伊尹也不惡汙君不解小官者柳下惠也三子者不

子曰居下位不以賢事不自者伯夷也五就湯五就禁

卿之中名實未加於上下而去之仁者固如此乎孟

善歌華周紀梁之妻善哭其夫而愛國俗有諸内公形 昔者王豹處於洪而河西善謳縣駒處於高唐而齊之 公同曰魯繆公之時公儀子為政子柳子思為臣魯之 奚而亡秦繆公用之而霸不用賢則亡削何可得與曰 同道其趨一也一 也有則髡必識之曰孔子為魯司寇不用從而祭婚肉 也滋甚若是乎賢者之無益於國也曰虞不用百里 小為其事而無其功者髡未嘗親之也是故無賢者 一者何也曰仁也君子亦仁而已矣何 孟子說 四六

為衆人固不識也 無禮也乃孔子則欲以微罪行不欲為苟去君子之所 不至不稅冕而行不知者以爲爲內也其知者以爲爲 淳于髡以孟子為卿於齊未久而遽去疑其為自為 而非仁者之所為盖髡徒知以為人為仁而不知仁 於天理之正故爾若徇夫為人之名以為仁而佛 理存乎性者也故伯夷之不以賢事不肯伊尹之 柳下惠之不惡不辭而皆為趨於仁以其皆本

京匹厚全 ·

钦定四車全書一 重而不知理義之所存故也孟子告之以君子之所 内必形諸外為言大抵髡之意皆徇乎外以事功為 情之流而已豈不及害於仁乎髡又以賢者為無益 孔子之意則以兆足以行而不行而去之又惡夫苟 其知者不過以為為無禮是亦不為知孔子也若夫 為未易識也孔子不稅冕之事不知者固不足言而 於人之國孟子以不用賢則亡告之而髡又以有諸 性之理則所謂愛之本先亡而其所以為愛者特其 (孟子說 聖

孟子曰五霸者三王之罪人也今之諸侯五霸之罪人 諸侯朝於天子曰述職春省耕而補不足秋省斂而助 魯非孟子發明於此則後世固亦未知也然則聖賢 去而無節也故因燔肉之不至以微罪行馬安乎天 今之大夫令之諸侯之罪人也天子適諸侯曰巡将 用者其可習於所聞而不深原其故乎 之所為載於方冊而莫知其故者固多矣及迹以觀 理而人之知與不知聖人所不與也雖然孔子之去

命曰尊賢育才以彰有徳三命曰敬老慈幼無忘賓旅 侯以伐諸侯者也故曰五霸者三王之罪人也五霸 移之是故天子討而不伐諸侯伐而不討五霸者棲諸 公為盛葵丘之會諸侯束牲載書而不歃血初命曰誅 慶慶以地入其疆土地荒蕪遺老失賢掊克在位則有 不給入其疆土地辟田野治養老等賢俊傑在位則有 兵以該之也無易樹子不得擅易無以妾為妻再不孝者共舉無易樹子已立世子無以妾為妻再 則與其爵再不朝則削其地三不朝則六師

מנו מנו לו לו אומנו מו לו

孟子說

四大

凡我同盟之人既盟之後言歸于好今之諸侯皆犯設防禁也無過雅無有封而不告赏而不告盟主也以己曲意無過雅無有封而不告無以私思擅有所 夫令之諸侯之罪人也 逢君之惡其罪大令之大夫皆逢君之惡故曰今之大 五禁故曰今之諸侯五霸之罪人也長君之惡其罪 防己也得禁曲無 忘客 此章述三王之事以見五霸之罪又述五霸之事以 忽羁 也四命日士無世官官事無攝 行蘇發也 五命曰無曲 取士 法敢 公

聲其罪以六師臨之所謂討而不伐諸侯之君各率 者致其在位者而賞罰之蓋為國之道其先於農桑 其賦從天子之討而致伐馬所謂伐而不討未有諸 莫要於人才也諸侯至於段爵削地而不俊則天子 有朝王之禮而又有省耕省斂之常馬天子之巡将 侯得專其討者也五霸徇利而棄義不稟王命擅率 入諸國之境首察其土地田野遂詢其老者與其賢

見當時諸侯之罪三王盛時天子有巡将之制諸侯

C nel 10 male de dela 1

孟子说

四九

諸侯以伐人之國雖使有成功而廢制紊紀改禍北 謂君有惡從而順承以長之逢君之惡謂逆探其君 此五禁亦皆犯之故以為五霸之罪人也長君之惡 丘之五禁蓋亦假仁義而言者而孟子之時諸侯雖 念其始必有所未安於心未敢以遠達也已則迎而 意而成之長君之惡固為罪矣而逢君之惡者其 私姦譎為甚而我城蠹害為深盖人君萌不善之 故以為三王之罪人也舉五霸之盛無若齊桓葵

夷之心于出門庭此之謂也逢君之惡云者可謂極 事而彼能先之則其爱之也必為故長其惡於外者 愛不可解卒至於俱糜而後已易日入于左腹獲明 未有不自於逆探其君之意以成其惡故君臣之相 猶淺而難知者其蠹為不可言也自古姦臣之得君 其罪易見而逢其惡於中者其思難知易見者其害 安之安之則其發之也必果君以為己之意未形於 小人之情狀矣雖然有五霸為三王之罪人則有諸 孟子光

魯欲使慎子為將軍孟子曰不教民而用之謂之殃民 殃民者不容於堯舜之世一戰勝齊遂有南陽然且 飲定四庫全書 可慎子勃然不悅曰此則滑釐所不識也曰吾明告子 於三王之法以致治則核本塞源不得罪於天下矣 侯為五霸之罪人矣有諸侯為五霸之罪人則有大 夫為諸侯之罪人矣何者理固爾也有明君者出本

百里不百里不足以守宗廟之典籍周公之封於魯為

事君也務引其君以當道志於仁而已 為方百里也地非不足也而儉於百里今魯方百里者 五子以為有王者作則魯在所損乎在所益乎徒取諸 彼以與此然且仁者不為況於殺人以求之乎君子之 方百里也地非不足而儉於百里太公之封於齊也亦 **雋功矣然其為徇利忘義以殘民則一耳故孟子以** 争用之以無道也一戰勝齊遂有南陽在當時可謂 所謂不教民者不教之以三綱五典之義而驅於戰

道志於仁而已當道謂志於仁也志於仁者存不恐 害仁者循且不爲以其非所當得故也況於殘殺人 民而求廣土地者乎君子之事君也務引其君以當 度使明王作與其釐而正之必矣取彼與此使無傷 諸侯各受分地不得相踰越也周公太公可謂熟徳 為不可而慎子莫之識則又明以告之夫王者制國 相陵奪魯之地至於方百里者五是肆貪欲而腹王 之盛矣而封國亦不過百里制則然也戰國之時互

飲定四庫全書

五子訴

富之是富禁也我能為君約與國戰必克今之所謂良 孟子曰今之事君者曰我能為君辟土地充府庫今之 所謂良臣古之所謂民賊也君不鄉道不志於仁而求 引之以當道之方數 為乎然而引君以當道古之人所以盡其心於事君 人之心也存不忍人之心則其恐為當時諸侯之所 以維持之明義理以致其知杜蔽感以誠其意者其 之際者其志盖深矣程子所謂至誠以感動之盡力

R all D set & date |

孟子説

至

戰是輔禁也由今之道無變令之俗雖與之天下不能 臣古之所謂民賊也君不向道不志於仁而求為之强 是上成君之惡而下絕民之命也當時諸侯乃以民 能富國强兵為忠而其君亦固以此為臣之忠於我 朝居也 但為之為富强之計則君益以驕肆而民益以憔悴 也而孟子以為民賊何哉盖君不鄉道不志於仁而 此章大抵與前章意同戰國之臣所以事君者徒以

万世是日中

正言順而事可成也所謂不能一朝居者功利既勝 無以相遠也故必以不由其道為先不由其道則由 道而不變其俗本源既差縱使其間節目之善亦終 賊為良臣豈不痛哉孟子之言曰為今之道無變今 仁義之道矣由仁義之道變而為仁義之俗然後名 之俗雖與之天下不能一朝居也此聖賢拔本塞源 之意今之道功利之道也今之俗功利之俗也由是 紀隳喪雖得天下何以維持主守之乎故功愈就

萬室之國一人簡則可乎曰不可器不足用也曰夫務 白圭曰吾欲二十而取一何如孟子曰子之道貉道也 五穀不生惟黍生之無城郭宫室宗廟祭祀之禮無 國矣 中人心内離豈復為秦之臣也哉孟子謂雖與天 不能一朝居者寧不信乎知此義而後可以謀人之 而害愈深利愈大而禍愈速富國强兵之說至於秦 可謂獲其利矣然自始皇初并天下固已在絕滅之

鉱

定四庫全書/

國去人倫無君子如之何其可也陷以寡且不可以為 重之於堯舜之道者大桀小禁也 國況無君子子欲輕之於堯舜之道者大貉小貉也發 當然也然取之過於多則是厲民以自養民日有 先王什一之法盖天理之安人情之至所以為萬世 子勞心以治其民而野人勞力以共其公上是理之 一弊者也夫無君子莫治野人無野人莫養君子 饔發無百官有司故二十取一而足也令居中 孟子説 季四

贍之憂而疾惡怨畔之心所從生固不可也若取之 常之教與此三代之所以治也過乎此與不及乎此 養取與有序文質適宜君子野人之分明而三網五 養殖之所出百官有司之所仰給凡所以為國者何 先王於此本天理酌人情而為之中制定之以什一 自而資是則禮樂盡廢上下混殺而亦亂之道矣故 過於寡則夫城郭宫室宗廟祭祀之所須諸侯幣帛 使民養公田以共其上故上有以為國而下有以為

鼓定四庫全書

有人倫之常君子之道也令欲為務之為則其勢必 不悖哉又曰欲輕之於堯舜之道者大貉小貉也欲 至於去人倫無君子而後可是以夏而變於夷也豈 國而可效務之為乎夫中國之所以為中國者以其 之所當有皆蕩然無之故二十取一而足則可宣中 之道也然之所可以然者以其夷狄之國凡為國者 十而取一孟子以萬室之邑一人陷為喻而以為貉 則皆私意之所為而已其有不弊者乎故白主欲一

الا ما الله الله الله الله الله

孟子說

辛五

古法制庶乎得中道而止矣 意之所加矣其曰大務小務大無小無猶言是亦務 舜之所自為也天之理而已有所重輕乎其間則私 與禁而已矣嗚呼後之為治者察乎重輕之弊而稽

重之於堯舜之道者大無小無也夫尧舜之道非堯

页四屋 A THE

白圭曰丹之治水也愈於禹孟子曰子過矣禹之治水

矣 Control of the last 事事物物皆有其道是天之所為也循其道則各止 廣狹如此水而逆行則為人害仁人之所惡者以其 夫順下者水之道也禹之治水未當用己私智也因 其所而無不治者一以私意加之則始紛然而亂矣 不順理而為害故也 今白主欲免其國之害而以鄰國為壑天理私意之 水之所以為水者耳故以四海為壑順其性而納之

孟子說

五十六

孟子曰君子不亮惡乎執 對獻酬交際之末苟不惟亮之執則終日冥行無非 然亮與諒同而孔子謂君子貞而不諒何也孔子之 君子其可斯須不執於此子執之為言主守之意雖 行見則有是事有是物妄則無是事無是物也然則 妄而已矣故言而不亮則為妄言行而不亮則為妄 而君臣父子兄弟夫婦朋友之間微而至於洒埽應 經書皆以亮訓信然信可包亮亮有執持之意夫大

定四庫全1

卷六

魯欲使樂正子為政孟子曰吾聞之喜而不寐公孫丑 優於天下而況魯國乎夫苟好善則四海之內皆將輕 回樂正子強乎曰否有智慮乎曰否多聞識乎曰否然 则奚爲善而不寐曰其爲人也好善好善足乎曰好善 子之言亮見之正也如孔子所謂友諒者是己 真也未必貞者以己之私意為該而非該之正也孟 言貞諒在其中者也對貞而言則其專於詩者未必

千里而來告之以善夫苟不好善則人將曰訑訑予既

תול מושל על לומו מו לו

孟子說

巴知之矣記記之聲音顏色距人於千里之外士止於 國欲治可得乎 里之外則讒諂面諛之人至矣與讒諂面諛之人居

孟子聞魯欲使樂正子為政而喜不寐聖賢之心其 天地生物之心與當時之人惟知强者有智慮者多

聞識者為可用而孟子所取於樂正子乃在於好善 耳盖孟子之論人論其本而當時之求才求於末而

已故曰好善優於天下言其於天下亦優為之也好

志氣日以驕肆福至而不自知矣原其始起於予既 是其聲音顏色逆距人於千里之外也士止於千里 則必飽飽然以為己既知之人知其若是則莫肯谁 己而絕天下之公理其蔽熟甚馬故無好善之誠 天下也何有盖善者天下之公也苟自以為是則夷 則中虚虚則能來天下之善天下之善歸之其於為 之為言誠為乎此也此非克其私者不能能克其私 ,則惟讒諂面諛之人至與讒諂面諛之人居

P AL TO HOL do date of

孟子說

陳子曰古之君子何如則仕孟子曰所就三所去三迎 猗無他技其心休休馬其如有容人之有技若己有 雖强也有智慮也多聞識也而一己之智識其與幾 以保我子孫黎民信斯言也然則亦異乎後世之論 何終亦必亡而已矣秦狼之誓曰如有一介臣斷斷 已知之之意萌于中而已然則可不畏乎使斯人而 之人之彦聖其心好之不啻若自其口出是能容之 人才者矣

使飢餓於我土地吾恥之周之亦可受也免死而已矣 就之禮貌衰則去之其下朝不食夕不食飢餓不能出 行也則去之其次雖未行其言也迎之致敬以有禮則 Ł 意矣禮貌雖存亦何為乎故去之也其次雖未行其 君子之任以義之所存而非為利禄也故其上者 户君聞之曰吾大者不能行其道又不能從其言也 行其言而就若言有弗行則是乖吾所以就之之 unt de dun 1 孟子説 至九

₹ 9

致敬以有禮言將行其言也則就之禮貌未衰言弗

言而迎之致敬以有禮以是心全則爲得而不就若 為以利動而非義之所存矣 之耳此三者足以盡君子去就之分舍是三者則皆 於飢餓不能出門户亦非有求於君也君周我而受 也免死而已若未至於此而受之則非義矣雖然至 君以賢者飢餓於土地為恥而問之則亦可受其受 就亦固有淺深也其下則至於飢餓不能出門戶而 禮貌衰則是心怠矣則為可以不去是二者其始之

孟子曰舜發於歐山之中傳說舉於版築之間膠局舉 於憂患而死於安樂 能改国於心衡於慮而後作徵於色發於聲而後喻入 於魚鹽之中管夷吾舉於士管時自魯因執於士士旗 亂其所為所以動心恐性曾益其所不能人恒過然後 也必先苦其心志勞其筋骨餓其體膚空乏其身行拂 則無法家拂士出則無敵國外患者國恒亡然後知生 权敖舉於海百里奚舉於市敌天將降大任於是人

孟子說

六十

飲定四庫全書 之生知非有待於處憂患以成其德也舉舜之起於 異然始馬經履之艱而卒馬能勝其任則一也以舜 所成就若是是乃天也此六人者雖有聖賢淺深之 天将以大任之於後而憂患先之以成其徳此豈人 之所為哉所謂莫之為而為者天也其所遭若彼而 其體膚空之其身行拂亂其所欲為是使之動心恐 以成德則如下所云是巴夫苦其心志勞其筋骨餓 弘以見聖人亦由側微而與耳若在他人因憂患

後能改言凡人常見其有過而後能改過使其漠然 性而已動心言其心有所感動也恐性言恐其性之 過之多而改之惟恐不暇矣因於心謂有所櫻拂於 化而天性可復此所謂增益其所不能也人恒過然 油然有所與起於中也徵於色發於聲謂憂患憤 心衡於慮謂有所鬱塞於處必如是而後有作作者 察其有過則過將日深何改之有知用力則懼 也動心則善端日前而良心可存恐性則氣稟日 孟子説 至

釭 之所在也作也喻也身親乃能知之非言語所可盡 發見於聲色必如是而後喻喻者言盎然點識其理 定匹庫全書 規在外而每有窺覦之患則戒懼之心存是心存則 治亂與亡常分於欲肆之間使在內而每聞逆耳之 以為莫予毒則騎怠日長至於滅亡而不悟矣大抵 士出則無敵國外患者國恒亡盖泰然自以爲是自 國可為也然後知生於憂患而死於安樂生言生之 一則又推而言之以謂爲國者亦然入則無法家拂

於 足 日 華 全 書一 慮之方生之道也然則所謂死於安樂者非安樂之 國者也然而繼體之君公侯之裔生而處安樂之地 道也在身而身泰施之天下國家無往而不為福也 能死之也以其獨於安樂而自絕馬耳故在君子則 無憂患之可歷則將如之何必也念安樂之可畏思 死言死之道也天命絕於其躬而敗於乃家凶於乃 雖處安樂而生理未當不遂在小人則雖處憂患而 天命之無常戒慎恐懼不敢有其安樂是乃因心衡 孟子說 华三

孟子曰教亦多術矣予不屑之教誨也者是亦教誨之 亦未嘗不死於憂患所謂小人窮斯濫矣是也


屑與不屑就不屑去之屑同訓輕教人之道不一而

非拒之也是亦所以教誨之也然就不屑誨之中 足聖賢之教人固不倦也然有時而不輕其教誨者

有數端馬或引而不發而使之自喻或懼其躐等而

告之有序聖賢之書若是者多矣又有以其信之未

而已矣




2

è

2. Aug 1

孟子説

六十三





港録監生 日觀音教官編修 日朱依